

O número de expediente de alumnado será facilitado durante as probas de acceso para logo poder consultar no taboleiro a cualificación.

### **PROBA DE ACCESO A 1º CURSO DE GRAO ELEMENTAL**

O impreso debidamente cuberto con LETRA MAIÚSCULA deberase entregar xunto cunha fotocopia do DNI ou do libro de familia do/a interesado/a na secretaría do centro antes do 6 de xuño.

#### **INTRODUCIÓN**

A idade mínima de acceso é de 8 anos e a máxima de 14, cumpridos ou a cumplir dentro do ano natural.

A proba de acceso ao primeiro curso de Grao Elemental consiste nunha valoración de aptitudes que se consideran básicas para iniciar estudos musicais. En ningún caso se avaliarán coñecementos musicais previos.

Réxese polo establecido no decreto 198/2007 do 27 de setembro (ordenación do Grao Elemental das ensinanzas de Régime Especial de Música).

#### **DESCRICIÓN**

Segundo o citado decreto, a proba avaliará as seguintes aptitudes: Rítmica - Auditiva e Vocal-Psicomotriz.

- **PROBA DE IMITACIÓN MELÓDICA-VOCAL:** Imitación dunha serie de pequenos fragmentos melódicos tras escutar cada un dos modelos que realizará un dos profesores do tribunal. Utilizarase unha sílaba para a entoación (por exemplo LA ou NU).
- **PROBA DE IMITACIÓN PSICOMOTRIZ-RÍTMICA:** Imitación dunha serie de motivos rítmicos segundo os modelos realizados por un dos profesores do tribunal. Utilizarase para iso a percusión corporal en diferentes formas, podendo combinarse palmas, mans sobre xeonllos, pes contra o chan...
- **PROBA DE PERCEPCIÓN AUDITIVA:** Diferenciación de parámetros do son: altura, duración, intensidade e timbre. O/a aspirante escotará cada vez dous sons sucesivos tocados ao piano por un membro do tribunal, debendo contestar por escrito que son é máis agudo, máis longo, máis forte marcando na súa resposta "o primeiro ou o segundo". Por último seleccionará o instrumento escotado; tamén marcará a súa resposta entre dúas posibilidades ofrecidas. De cada apartado, poñerase exemplos.

A proba cualificarase globalmente de 1 a 10 puntos (empregando como máximo un decimal), sendo necesario obter unha puntuación mínima de 5 puntos para considerala superada.